



KiBe Emmental



KiBe-Lager Bäregg

27. Juli - 02. August 2025

MIT DABEI WAREN...

DI ROUTINIERTE GUSTIMÄUCHER

Rebekka	Walther
Andreas	Fankhauser
Daniel	Gasser
Dario	Krähenbühl
Kira	Möller
Jana	Eicher
Jana	Meister
Alina	Moser

HÄNDSCHE-CHLÄTTERER EFZ

Jonas	Walther
Manuel	Ramseier
Jana	Zürcher
Thomas	Reinhard
Ruben	Linder
Finja	Marty
Tim	Bachmann
Elin	Bissegger

SPRINGER

Martin	Reber
Rahel	Hirsbrunner
Julia	Eicher
Melwin	Sommer
Luca	Moser

DI VERISCHE BÄRECHNÜPPLE

Hans	Von Wyl
Flavio	Steiner
Anja	Eicher
Yolanda	Marty
Micha	Linder
Fabio	Bachmann
Romina	Gasser
Alea	Bissegger

CHLÄTTERTÜFLE

Adrian	Bachmann
David	Wyrsh
Leana	Meister
Leandra	Bachmann
Frederik	Kraaz
Lian	Bissegger
Noe	Koch
Matteo	Krähenbühl

KÜCHE

Franziska	Bachmann
Leandra	Bachmann
Nico	Bachmann
Martina	Steiner
Moritz	Steiner
Sabine	Mosimann
Karin	Wüthrich

Turäbricht Rutiniärti Gastimäuchär vom Mändi

Hüt himär ersch am Haubi Ahti müässä ufsta, gweckt simer mitemnä Happy Birthday fürd Alea u Schnee ufem Sidelehorn, worde. Chli giuflet simer dürs Zmorge gseklet u när grad witer ad Stoumuur abe, so dasmär z Zytfäischtär für ufä Grimmsupass hi erwütscht. När symär ä guäti Stung uf Natars gfahrä i nä Chlättärgartä, ir hoffnig das mer dert d Sunne finge. Dert acho himmär hurti 30 Sekundä Zuästig gha. Äs het äs paar schöni Rutä zum Plattächlättärä gä. Womär aui Rutä hi Chlättärät gha us üs langsam z viu Lüüt hed gha, symär wittär i nä angärä Chlättärgartä, wo chli schtötzigär u schwirigär isch gsi. Dert himär afä is öpis Zmittag gässä, nach derä Sterchig symär



sofort umä druflos klättärät. D Giälä hi när no nä schwirigäri Rutä usprobiärt, his abär leidär nid ganz gschaftt. O nä Teu Meitschi hedsech imen 6a+ probiert u si sii Erfougrich u z fride gsii. Womer när aui zäme chli dürä si gsi heimer üs langsam ufe Heimwäg gmacht. Mir hi dert nidä feiächli schöns u gmüätlächs Wättär gha, je nechär mir aber am Grimsu si cho desto hoffnigloser isch z Wätter worde. Womär umä

ufäm Grimsupass obä si gsi hets üs bau ä Ranzä gfrorä u mir si froh gsii womär zurg ir Bäregg si acho. Nachärä warme Duschi himer üs ufs Znacht gfröiit, äs het Riz Casimir gä u äs isch wie immer sehr fein gsii. När himer agfange Plane für üsi Hüttetour. Its symär am Turäbricht schribä u fröiä nis uf z Dessär u ä schöni u lustegi Wuche.



Tourenbericht Zingenstock 29.07.25



Am morge si mir wi immer am sibni mit Karin`s Örgeli gweckt worde. Nach em Lunchfasse isch für e Fabio scho der erscht Zuckerschok i Sicht cho. Gli hei mir erfahre, das Resu mit chunnt u Hausi e freie Tag het. Doch Hausi isch näre doch no i Isatz cho, da är mit eme Gschältli isch nachegsprunge wo vergässe isch gange. Baud si mir är Stoumuur acho u hei ä chli Säubstufschtig güebt. Öppe ä Stung speter si mir wäge dr Planänderig richtig Schanzätisch glüffe. Dert hei mir äs feins ässe im Stress gnosse. Üsi Leitere hei trotz äm Demokratische Abschtimme chönne düre zieh, das mir de doch ACHE; ÜBERE U UME UECHE si glüffe richtig Zingenstock. Fabio het ufem wite Wäg scho wider di nächschte Portione Sugus u Sportmints gnosse (ghört natürlech drzue ☺...). Wäret dem loufe isch es üs nie längwilig worde, „dr Radio“ (Fabio) het äbä o ohni Strom funktioniert. Drfür wüsse mir jtze über di ganz Wäut bscheid. Während em Chlättere hei mir e chlini Pouse gmacht u usgrächnet wi viu Sugus Fabio für sini Mobile Date im nä Jahr chönnt choufe. Äs isch ä sehr ä höchi Zau use cho, nämlech 28333,333353. Auso füre Fabio isch es natürlech nid so höch, wöu är am Tag nid übertribeni 50 Sugus konsumiert. Fabios Vorrat isch näre scho nacheme wili usgange, sofort het är nümme Chlätteret. Doch am Fabio si Radio geit leider nid so schnäu us wit Sugus. Sis Tageszieu isch bi däm blibe: immer meh Sugus aus em Tag vorhär z konsumiere: Üs beschteit ä Hoffnig, das Fabio de drfür e chli lenger ma Chlättere. T Anja u t Yolanda hei wären dem Chlättere ä Lachchrampf übercho, ds isch chli doof gsi, wöu t Anja hät sech söue ufts Chlättere konsentriere u t Yolanda ufts Sichere. De si mir zrügglüffe, (das mau ohni Umwäg) u hei z`Nacht gnosse. Fabio het blagiert, das är no wet ga bade. Ds mir hei chönne bezüge, das är im Wasser isch gsi, hei mir müesse mit gah. Mir hei natürlech ou „ds warme Badi Wasser“ gnosse u si näre erfrüschet ga äs Dessär näh. Jtze tüe mir üs vo öich Verabschide, mir wei nämlech no chli ga Pingpöngle.

Vo dä frischte Bärechnüpple (Yolanda; Anja, Romina, Fabio, Micha u Alea)



Chaut aber guet

D Giele vo üsere Gruppe si am 04:10 ufgstangä ga äs Glas Tee ga tringkä u si när mit dä routinierte Gustimäuchär Richtig namälosä hogär näbäm Sidelhorn ufbrochä, ga där Sunnäufgang luägä. Mit Stirnlampä simär när ufbrochä u si nachämä strängä Ufstig mit ämänä troumhaftä Sunnäufgang belont wordä. När simär umä achä tschirgät, u womär si hei cho si disär ganz vüerschlafä bim Zmorgä ghockät. Nachäm Zmorgä simär z zwöitä am churzä seil ob där Hüttä güäbt für di morgigi Tour ufä zinggästock. När simär no zumnä Srahlär gang wonis relativ sehr viu übär Kristauä het fürzeut. När heimär no sini Kluft dörfä ga luägä, när sogar no ä kristau übärcho. Nach em Wäg zrüg it Hütte si mer at Tisch ghoket u glunchet. Z Mittag isch sehr luxuriös gsi wü mir no es Dessär becho. Nach ere gute Pouse si mir de richtig Marlon. Dert hei mir schnäu afe chlätter u friere (Tim nid). Üse Namitag isch de dert obe vergange. De hei mir üs wieder i zwöier Seilschafte abunge u si nitzi gange. Dunger a cho hei mir e Materiauschlacht gmacht. Scho glei hei mir üsi Tour vo morn besproche u näre si mir no vorem Znacht hingere Tourebricht ghocket. Sperte hei mir de ono Znacht becho. Es het Salat u Gschweuti gä, sogar e Bsuch isch bim Znacht ghocket. Jetzt hocke mir wieder vorem Tourebricht u **Ende aus Micky Maus.**



Tourenbericht von Chlätter Tüfle 31.7.2025

Am Morgä am 7.00 UHR si mir vor Karin mit em Örgeli gweckt worde. Nachem feine z Morge si mir richtig



Gletscher gloffe. Nach zwöi Stung si mir de scho acho u hei üs parat gmacht u si ufe Gletscher. Wo d Leiter am irchte si gsi hei mir mitem Tinu Stiggiseübige gmacht. Näre hei mir de di drü Pöschte Gletschermülli, Geltscherspaut u Gletscherramppi absolviert. Scho gli hets bi üs Lunch gä u e schöni Pouse. Nachem Mittag hei mir no chlli Bächlet. De isch es o scho zrügg gange it Hütte. Baud heim mir de e warmi Duschi gnosse. Z Nacht

hets bi üs unger freiem Himmu gä. Mir hei z gfüll ga das di Älpermagrion gut si gsi. Dert hei mir no chlli e Blankchalanc gmacht u Güzi gässe. Jetzt am Touerbericht u gö de näre i üses Biwak zrügg. Das isch üse Tag gsi.



Die routinierte Gustim' uucher

Am Donsti Morge simer midem Örgeli gweckt worde. Mir hei Zmorge gässe u när no einisch kontrolliert obmer öpe aus derbi hei, womer sicher si gsii dasmer aui öbis hei vergässe, simer wieder richtig Grimsupass loszotelet. Womer de schliesslech komplett verschlafe im Fieschertau acho sii simer langsam u mid schwärer Last losglüfe. Schritt für Schritt dä Dinos na u hingere dürs läre Tau. Mir hei no öpis gässe u hei nach churzem Sueche dr listig gfunge. Mir si no veiechli konzentriert vo Stang zu Stang. Wo du aber das gebrumme vo dä Helis hed agfange, hed ä Teu vo üs chli Konzentrations Schwierigkeite übercho. Nach höchstens 10 Seulenginä simer du zfride u glücklech dobe acho. Leider immer no vom Helilärm gstört, u neiii äs isch nid eifach ab und zue, sondern




im 10 Sekundä Takt obe üs düre, heimer üses Sandwich gnosse. Nachem ässe u midemnä haube Sunnebrand (äuä ou dr einzig vo derä Wuche) simer langsam richtig Hütte. Ungerwägs ischnis aber no ä Feuswang derzwüsche cho u mir hei nomau d Seili ufta u haub motiviert si d Meitschi nomau z düruf u Giele hei chli ihri Steimandlikunst ufgfrüschet, ungerdessä si d Rebbi u dr Resu nomau ache üser Ruckseck ga uechereiche. Nomau DANKE VIU MAU. Da z Seu irgendwie doch nid so dr Feus hed wöue uecherütsche heimer dr legendär Ros Panikchnüpu vor Jana glehrt, wos üs scho fasch aui gkehrt hed vor Lache simer no äs paar Ping Pong Lenginä ufe gspeedet. Mir si ändlech acho ir Hütte u hei äs Chauds Rivella trunke.

Womer langsam igrichtet si gsii heimer üs du würklech as Theater gmacht. Schnäu isch d Zyt verbii, bim Dichte u de hets ou scho Znacht gä, ou we mir chli truurig si gsii dasmer z Äuplermagaronä ir Bäregg verpasse heimer Glück gha mid üsem Znacht, äs hed nämlich zur Vorspiess ä Griess/ Louch Suppe gä, zum Houptgang ä Lasagne u zum Dessert äs Caramelchöpfli. Nam Znacht ischs witter gange mit Dichte u mir si ziemlech Vorwärts cho, womer langsam äs Ändi hei gseh isch no d Wirtin cho u hed üs z Hüttebuech häre gleid. Nach langem Diskutiere hed du d Jana dr Job ganglet dä Itrag z gstaute. Plötzlech isch d Nachtruh vorder Türe gstange, hurti no d Zäng putze, mider Zahnpasta wo dr Dani äxtra hed ueche treit (wäg däm isch si Rucksack ou viiu schwerer gsii) u de si mir schnäu ab i Schlafsack grütscht.



Am nächste Morge hed dr Wecker viu z glii glüte u mir si langsam usem Schlafsack gschlüfe. Mir hei packt u si richtig Zmorge gange, währendem heimer gsee das üser Dütsche Tischnachbare uf dr gliiche Site vom Hüttebuech hei witter gschribe wo mir gester hei agfange. Chli gnärvt heimer z Zmorge gnosse u när nachere usführeleche Lästerstung doch no dr Itrag fertig gmacht. D Giele si schomau abghämelet i richtig

Mehrseulengi u dr räscht isch ganz spielerisch vo Stei zu Stei richtig Chlätterwang. Dert acho nach Kiras wite drüü Minute heimer no üsi Reaktionskünst testet u schliesslech no ums Seilitrage kämpft, idäm das mir dr Boum hätte söue traffe. Ufgwermt heimer üs imnä 4c u üsi Chräft heimer imnä 5b testet. Nachdäm mir dr erst Räge hei gsee simer i nächst Chlättergarte gwanderet. Da ds Rebbi churz vorem Abmarsch doch no dr Boum hed troffe, hed dr Melwin aui drüü Seili müesse trage. Dunger acho heimer üses Sandwich gspisse, nächär heisech die einte nomau mid Mehrseilere beschäftigt u d Kira u d Jana si is 6a gstartet. Mid chli Müeh u Not heds schliesslech d Jana, dr Dänu u dr Melwin ueche gschafft. Churzum heimer dr Ruchsack gsattlet u si ändgütig dürs Tau füre, mid Kiras grossem Staudrang simer relativ gleitig bim Outo acho, hüür heds nidemau ä Buess gä. Schnäu simer z schmale Strässli ab, bim Coop Pronto heimer no ä Glace gnosse u ar haube Schwiz bim Tanke zuegluegt. Schnäu simer d Kurve uf so dasmer z Zytjänster ufem Grimsu no verwütschte. Am ueche fahre no dr letscht Fiinschlif am Theater u de simer ou scho ganz Happy über die zwe glungnige Täg, dobe acho. Gleitig heimer z Materiau zrug gä, Duschet u Packt. Die einte hei am Theater gschaffet während d Alina u d Jana dusse d Schuehsohle hei putzt. Mir hei no äs letschts Znacht ir Bäregg gnosse u de si ou scho d Ungerhautige agstange. Mir würde its Fräch phoubte äs si scho lang nüm so gueti Darbietige derbi gsii. Nam Dessert hockemer da u lö das Lager midem 1. Ougste gmüetlech la usklinge. Mir wete üs gaanz härzlech bi aunä bedanke für die cooli Wuche. Für vier vo üs isches z letschte Mau gsii u mir si seehr dankbar für die schöne Wuche uf dr Bäregg.



Gedicht von den routinierten Gustimäucher...

Sundi Morge, aui Ching hocke vorem Bahnhof gschwing. Äs geid los ufe Grimsupass, aui hei ihre Spass. Schritt für Schritt dr Näbu chund mid, d Wätterlag shiit. Zum Znacht gids Spaghetti Bolognese zum Glück keh Polenta mit Chäs.

Am Mändi stömer speter uf, ds Wätter roubt üs dr Schnuff. Mir si dürs Zmorge gseklet u grad witter ufe Grimsupass. Zick zack d Kurve ab u witter i Garte vode Naters. Uf u ab bi Sunneschiin heimers gnosse im Gestin. Wieder dr Grimsu obsi drus isch z Wätter immer no ä Grus.

Zisti Morge ir Theorie aui si derbi. Churzum heimer d Seubrugg gspannet u gli drufabe simer im Killy Billy ghanget.

Am Morge früh zude Fädere us u ganz schnäu dr Bärg deruf. Am Horizont no haub im Schlaf streckt sech d Sunne häu u brav. Zfride zurg am Zmorgetisch, äs gid nid öpe Fisch. Nach dr Toureplanig lehrä mir vo Strahlers Erfahrig. När ab ufe Hoger ueche, düemer versueche d Theorie vom Zistig z bruche.

Ab ufd Hüttetour mir luege nüd ufd Uhr. Schritt für Schritt dä Dinos na u när Vougass i die Feuswang da. Express i Express us simer langsam usem Schnuff. Dobä acho düemer ässe wasmer nid hei vergässe. Scho währendem Chlättere heimer gsee d Helikoptere flüge dahii. Its störe si no viiu meh. Chli unmotiviert u glich no da, gömer wieder dr Feuswang na. No ä churze Fuesmarsch u de stöh die letschte Meter a, sowie d Burghütte sid 44 Jahr. Friti Morge no chli früh weckt üs dr Wecker us dr Rüeh. Vorem Zmorge heimer gmerkt üse Buechitrag isch abverreckt. Z Zmorgebuffet nid so gross d Chlätterroute derfür famos. 3.a. bis 5.c. für üs aui kes Problem. Bim 6 afa Schwitze, womer si dür Feuswängschlize. Nach Chrampf u Trank z Tau dürab u iche i die Glacebar. Langsam zrug ir Grimsustrass heimer z Theater dichtet gha.



KiBe Emmental

IMPRESSIONEN KÜCHENTEAM





KiBe Emmental

